



COV KEV PAB (PROGRAMS) DAIM NTAWV MUAJ COV LUS TSEEB (FACT SHEET)

Lub 7 Hlis 2015

TEB CHAWS MESKAS ROOJ TSAV XWM KEV UA
QOOB LOO (UNITED STATES DEPARTMENT OF
AGRICULTURE)
**CHAW KHIAV HAUJ LWM PAB RAU KEV UA
LIAJ UA TEB (FARM SERVICE AGENCY)**

Koom Haum Pab rau Kev Ua Liaj Ua Teb Cov Kev Pab (Farm Service Agency Programs)

KEEB KWM DHAU LOS

Lub Koos Txoos Pab rau Kev Ua Liaj Ua Teb (Farm Service Agency, FSA) yog ib lub chaw khiav hauj lwm ntawm Rooj Tsav Xwm Kev Ua Qoob Loo (Department of Agriculture, USDA) uas ua hauj lwm pab rau tag nrho cov neeg ua liaj ua teb, cov neeg yug tsiaj txhu thiab cov sib koom ua qoob loo, uas yog muab cov kev pab cuam fab ua liaj ua teb uas ua tau zoo, tau txiaj ntsim rau tas nrho cov neeg Meskas. Lub koom Haum muab ib qho kev pab ruaj khov rau Meskas cov neeg ua liaj ua teb los ntawm txoj kev tswj hwm cov kev pab txog fab ua liaj ua teb thiab thaum muaj kev piam sij. FSA txoj hauj lwm ib txwm ua los lawm ntev ntawm qhov ceev lub teb chaws tej xyooob ntoo liaj ia yeej ua mus ntxiv tsis tso tseg nyob hauv qhov Kev Pab Ceev Tswj Cia (Conservation Reserve Program, CRP). Lub chaw khiav hauj lwm muab credit rau cov neeg ua qoob loo uas tsis muaj peev xwm tau txais credit uas tsis yog tsoom fvw li, credit uas yog kev lag luam, nrog rau qhov tswj xyuas kev pab rau cov haiv neeg tsawg thiab cov poj niam ua liaj ua teb thiab neeg yug tsiaj txhu thiab xa tej khoom mus siv rau cov kev pab khoom noj rau tib neeg hauv lub ntiaj teb.

Nram qab no yog cov haujlwm kev pab thiab cov kev pab uas muab los ntawm FSA.

HAUJLWM KEV PAB DAWS TEEB MEEM RAU FAB KEV COG QOOB LOO (AGRICULTURAL MEDIATION PROGRAM)

USDA Qhov Haujlwm Kev Pab Daws Teeb Meem Rau Fab Kev Cog Qoob Loo (USDA Agricultural Mediation Program) muab nyiaj pab rau cov koom txoos hauv lub xeev uas muab kev pab daws teeb meem (alternative dispute resolution, ADR) rau cov neeg ua qoob loo, cov neeg uas txais nyiaj rau lawv thiab lwm cov uas

tau raug teeb meem los ntawm cov hauj lwm nqes tes ua ntawm USDA qee cov chaw khiav hauj lwm. Nyob hauv qhov kev pab daws teeb meem no, yuav muaj ib tus neeg uas tau kawm los lawm, tsis tuaj leej twg tog los pab cov neeg muaj feem txuam thiab tham txog lawv cov teeb meem uas tsis sib haum, nrhiav cov hauv kev los mus daws cov teeb meem tsis sib haum thiab pom zoo rau cov hauv kev los mus sib hais haum. Qhov zoo tshaj plaws ces, tus txheej txheem sib pab daws li no yuav pab kom zam dhau cov kev sib hais thiab/los yog ua plaub ntug uas yuav raug nyiaj ntau thiab noj sij hawm mus ntev. Cov nyiaj no yog FSA ua tus tswj. Cov teeb meem uas peev nyiaj pab no them rau kuj muaj xws li cov kev txais nyiaj ua liaj ua teb, txawm yuav yog txais los ntawm USDA los yog cov ua lag luam txais nyiaj, thiab cov teeb meem hais tsis sib haum uas USDA muaj kev koom los hais txog kev ua liaj ua teb thiab kev ceev liaj ia (conservation), cov kev txiav txim tias yog thaj av muaj dej los yog hav iav, cov kev pab txais nyiaj ua dej tom hauv sab, tsiaj noj zaub hauv lub teb chaws cov av, tua tshuaj, nyiaj txais ua vaj nyob hauv sab thiab rau kev lag luam, thiab ntawv tuav pov hwm qoob loo.

KEV PAB POV HWM QOOB LOO THIAB KEV POOB TUS NQI (AGRICULTURE RISK COVERAGE (ARC) THIAB PAB TSWJ TUAV TUS NQI POOB (PLC))

Tsab Cai 2014 Kev Ua Liaj Teb (Farm Bill) tso cai rau qhov Kev Pab Pv Hwm Qoob Loo thiab Kev Poob Tus Nqi (Agriculture Risk Coverage (ARC) Program) thiab Price Loss Coverage-see #18 (PLC) Program), uas FSA yog tus tswj. ARC thiab PLC muab peev nyiaj thiab cov nyiaj them poob nqi pab rau cov neeg ua qoob loo uas muaj feem tau txais rau cov xyoo ua qoob loo 2014 txog 2018. Yog xav paub ntxiv, mus saib www.fsa.usda.gov/arc-plc.

PEEV NYIAJ QIV TXAIS RAU COV NEEG PIB UA LIAJ TEB THIAB YUG TSIAJ TXHU (BEGINNING FARMERS AND RANCHERS LOANS)

Txhua txhua xyoo, FSA muab ib feem ntawm nws peev nyiaj qiv rau kev ua tus tswv liaj tswv teb thiab kev khiav txoj hauj lwm rau cov neeg uas nyuam qhua pib ua liaj ua teb thiab tu tsiaj txhu. FSA muab cov nyiaj qiv rau cov neeg ua liaj ua teb thiab tu tsiaj txhu uas tsis muaj peev xwm mus qiv tau nyiaj los ntawm cov neeg ua lag luam txais nyiaj. Ib tus neeg pib ua liaj ua teb los yog yug tsiaj txhu yog ib tus neeg kheej los yog ib lub koom txoos uas (1) tsis tau qhib ib lub tsev ua liaj teb (farm) los yog chaw tu tsiaj txhu (ranch) los lawm ntev tshaj 10 xyoos, (2) muaj cai tau peev nyiaj txais ntawm qhov kev pab uas tus neeg no ua ntawv thov, (3) koom rau hauv txoj kev khiav txoj hauj lwm kom ntau heev, thiab, (4) rau qhov nyiaj txais ua tus tswv ntawm lub tsev ua liaj ua teb cov hom phiaj, tsis txhob muaj av liaj teb ntau tshaj 30 feem pua ntawm lub tsev ua liaj ua teb loj ib nrab hauv lub ciam nroog thiab ua tau raws li cov cai hais txog kev tau kawm thiab kev txawj ua liaj ua teb yav dhau los. Yog xav paub ntxiv, mus saib www.fsa.usda.gov/farmloans.

BIOMASS KEV PAB TXOG QOOB LOO(BIOMASS CROP ASSISTANCE PROGRAM (BCAP))

BCAP yog ib qho kev pab nyob ntawm siab yeem rau cov tswv qoob loo thiab cov thaj av muaj xyoob ntoo. BCAP txhawb cov kev tsim muaj thiab siv cov qoob loo (biomass crops) rau kev hloov ua mus rau lub zog bioenergy los yog rau qhov kev tsim cov khoom ua tawm los (bio-based products). BCAP muaj xws li 1) Cov Hauj Lwm: Pab tsim tsa thiab ceev cov qoob loo mus txog tsib xyoos rau cov qoob loo ib xyoos ib cim thiab tsis rov hlob tuaj los yog ntev mus txog 15 xyoos rau cov qoob loo uas rov hlob tuaj rau qhov kev hloov ua mus rau cov khoom ua tawm bioenergy los yog bio-based. Qhov kev pab muaj xws li cov nyiaj them txhua xyoo thiab them mus siab txog 50 feem pua tus nqi sib pab them los mus tsim cov qoob loo uas muaj feem tau txais kev pab; thiab 2) Cov Nyiaj Them Sib Nrawg(Matching

Payments): Pab cov tswv thiab cov neeg qheb kev ua qoob loos thiab cov thaj av muaj xyoob ntoo rau kev sau tej xim khoom seem ntawm liaj teb thiab xyoob ntoo mus rau ib qhov Chaw Biomass Conversion (Biomass Conversion Facility) uas muaj npe los txais. Tsab Cai 2014 Farm Bill rov tso cai rau BCAP mus txog xyoo 2018. Yog xav paub ntxiv, mus saib www.fsa.usda.gov/bcap.

NYIAJ QIV MUS TUA KOM TXHOB MUAJ COV KAB BOLL WEEVIL (BOLL WEEVIL ERADICATION LOAN PROGRAM)

Qhov Kev Nyiaj Qiv Mus Tua Kom Txhob Muaj Cov Kab Boll Weevil (Boll Weevil Eradication Loan Program) muab cov nyiaj qiv tus paj qis rau cov koom txoos tsis mus rau kev lag luam uas ua hauj lwm koom tes nrog lub xeev cov chaw khiav hauj lwm, USDA Qhov Kev Tshuaj Xyuas Tsiaj thiab Xyoob Ntoos Kom Tsis Muaj Mob (USDA's Animal and Plant Health Inspection Service), thiab lub Teb Chaws Pawg Tswj Hwm Paj Rwb (National Cotton Council) los mus tua kom txhob muaj cov kab boll weevil. Lub hom phiaj ntawm qhov kev pab no yog los mus pab cov neeg ua qoob loo thiab tsoom fwm xeev cov chaw khiav hauj lwm rau txoj kev tua kom txhob muaj cov kab boll weevils nyob rau ntawm tej thaj chaw cog paj rwb thiab kom cov kab no tsis txhob rov tshwm muaj ntxiv.

KEV CEEV LIAJ IAV PEEV NYIAJ QIVTXAIS (CONSERVATION LOAN PROGRAM (CL))

FSA muab cov nyiaj qev txais CLs los mus siv rau cov kev coj ua uas yuav ceev tseg tau ntuj tsim teb raug tej xyoob ntoo liaj ia. Cov nyiaj qiv CLs yog muaj los ntawm cov chaw txais nyiaj uas ua hauj lwm nrog FSA. CL peev nyiaj yuav muab siv tau mus rau txoj kev ceev tseg tej xyoob ntoo liaj ia teb chaws cov kev coj ua uas tau pom zoo los ntawm Qhov Kev Pab Ceev Tej Khoom Muaj Raws Ntuj Tsim Tev Raug (Natural Resources Conservation Service (NRCS), xws li kev teeb tsa cov chaw ceev tej xyoob ntoo liaj ia cov txheej txheem; kev teeb tsa cov hav ntoo uas raug tiv thaiv tsis pub ntov; kev teeb tsa cov kev ceev tseg tej dej; kev teeb tsa tlos yog ua kom tej tshav zaub rau tsiaj noj zoo dua qub; kev nqes tes tswj tsiaj tej quav; thiab kev xyaum siv lwm cov kev ceev tuav, coj ua kev los yog kev siv tshuab uas muaj tshiab los yog muaj lawm. Yog xav

paub ntxiv, mus saib
www.fsa.usda.gov/farmloans.

KEV PAB CEEV LIAJ IA (CONSERVATION RESERVE PROGRAM (CRP))

CRP yog ib qho kev pab cuam nyob ntawm siab yeem uas muaj rau cov neeg ua qoob loos los mus cog cov nyom los yog cov ntoo uas nyob mus ntev, ceev tau tseg nyob rau ntawm cov thaj av ua liaj ua teb los mus ua kom tej dej ntws zoo dua qub, tswj av pob qawj, thiaj ua kom tsiaj qus chaw nyob zoo dua qub. Qhov tau rov qab, FSA muab nyiaj rau cov neeg koom them rau tej kev xoj thiab kev sib pab them tus nqi. Ntawv cog lus rau qhov no yuav ntev txog 10 mus rau 15 xyoos. Yog xav paub ntxiv, mus saib
www.fsa.usda.gov/crp.

KEV PAB CEEV LIAJ IA KOM ZOO DUA QUB (CONSERVATION RESERVE ENHANCEMENT PROGRAM (CREP))

CREP yog ib qho kev pab ntawm Qhov Kev Pab Ceev Liaj Ia (Conservation Reserve Program (CRP)) uas cov khub koom hauj lwm thiab cov kev pab uas tsis yog tsoom fwv ua hauj lwm nrog los txuam nrog rau tsoom fwv cov kev pab los mus daws teeb meem kev ceev tej xyoob ntoo liaj ia teb chaws hauv ib lub Xeev twg. CREP yog ib qho kev pab nyob ntawm siab yeem uas pab cov neeg ua qoob loo tiv thaiv tej av uas tsis ruaj, ua kom muaj av pob qawj tsawg, ua kom muaj tsiaj rov qab tuaj nyob rau tej chaw, thiab tiv thaiv tej av thiab dej. Yog xav paub ntxiv, mus saib www.fsa.usda.gov/conservation.

KEV PAB CEEV LIAJ IA (CONSERVATION RESERVE PROGRAM) – XEEV COV AV RAU TSIAJ QUS NYOB KOM ZOO DUA QUB (STATE ACRES FOR WILDLIFE ENHANCEMENT (SAFE))

SAFE yog ib qho kev pab nyob ntawm siab yeem muaj raws li CRP kev sau npe mus tsis tu ncuu txoj cai. SAFE yog tsim los daws lub xeev thiab

cheeb tsam cov hom phiaj tseem ceeb heev txog tsiaj hav zoov Cov neeg ua qoob loo hauv SAFE ib cheeb tsam yuav xa tau ntawv tso npe cov evkawj av raws siab yeem rau hauv CRP cov ntawv cog lus ntev txog 10-15 xyoos. Rau qhov no, cov neeg ua qoob loo yuav tau txais CRP cov nyiaj them txhua xyoo rau cov kev xoj (rental payments), cov nyiaj pab txhawb siabntsws thiab them qhov nyiaj pab nrog them los mus teeb tsa, ua kom zoo dua qub, ua kev mus tau rau los yog tsim kom muaj cov chaw nyob zoo dua qub rau tej tsiaj qus. Yog xav paub ntxiv, mus saib
www.fsa.usda.gov/conservation.

KEV PAB CEEV LIAJ IA (CONSERVATION RESERVE PROGRAM) – COV AV MUAJ NYOM (GRASSLANDS)

CRP Grasslands yog ib qho kev pab nyob ntawm siab yeem uas pab rau cov tswv av thiab cov qhib khiav hauj lawm tiv thaiv tej av muaj nyom, nrog rau tej tshav tsiaj thiab lwm cov av, uas muab ceev cia ua tshav tsiaj noj zaub. Qhov kev pab no yog tsom ntsoov muab kev pab rau cov kev khiav hauj lwm tshav tsiaj, xyoob ntoo thiab tsiaj txhu (animal biodiversity), thiab cov av muaj nyom thiab tej thaj av uas muaj cov tauv nroj thiab muaj nroj tsuag uas muaj teeb meem rau txoj kev muab hloov los ua tshav zaub. Yog xav paub ntxiv, mus saib
www.fsa.usda.gov/crp.

KEV PAB THEM NYIAJ RAU TEJ KHOOM UAS MUAB MIS NYUJ UA (RAU DAIRY INDEMNITY PAYMENT PROGRAM (DIPP))

Qhov Kev Pab Cuam Them Nyiaj Rau Tej Khoom Uas Muab Mis Nyuj Ua (The Dairy Indemnity Payment Program) them nyiaj rau cov neeg uas muab mis nyuj ua khoom noj (dairy producers) thaum muaj tsoom fwv ib lub chaw ua hauj lwm tswj txoj cai hais kom lawv muab lawv tej mis nyuj nyoos tshem tawm ntawm tej kiab khw vim tau paug kab mob los ntawm tej tshuaj tua kab, sab fais fab nuclear radiation los yog tej sab ya raws cua (fallout), los yog tej tshuaj lom thiab khes mis uas tsis yog tshuaj tua kab. Cov nyiaj pab yog them rau cov neeg los yog cov chaw tsim khoom uas muab mis nyuaj ua tawm los nkaus xwb rau cov khoom uas muab tshem tawm ntawm kiab khw vim muaj tshuaj tua kab paug rau lawm. Yog xav paub ntxiv, mus saib www.fsa.usda.gov/dairy.

KEV PAB PUB DAWB COV KHOOM UAS MUAB MIS NYUJ UA (DAIRY PRODUCT DONATION PROGRAM)

Qhov Kev Pab Pub Dawb Cov Khoom Uas Muab Mis Nyuj Ua (The Dairy Product Donation Program (DPDP) yog tau tso cai los ntawm Tsab Cai 2014 Farm Bill txog Dec. 31, 2018. Qhov kev pab DPDP daws cov teeb meem thaum ua tau cov khoom muab mis nyuaj uas tau los tsawg uas yog siv Lub Koom Txoos Lag Luam Muab Credit (Commodity Credit Corporation, CCC) peev nyiaj los mus yuav cov khoom uas muab mis nyuj ua tawm los koj mus pub rau cov koom txoos tsis mus rau kev laj luam uas muab khoom noj haus pub rau cov neeg uas tau nyiaj los tsawg. USDA tsuas yuav cov khoom thaum lub sij hawm uas muaj cov khoom tsawg nkaus xwb. Qhov kev pab no tsis muaj raus tes rau cov neeg tsim khoom uas muab mis nyuj ua los yog cov rau npe rau txoj kev pab kev noj haus. The FSA and the Food and Nutrition Service (FNS) yog tus tswj DPDP. Yog xav paub ntxiv, mus saib www.fsa.usda.gov/dairy.

KEV PAB CUAM THEM NUJ NQIS (DEBT FOR NATURE PROGRAM)

Qhov Kev Pab Them Nuj Nqis (Debt for Nature Program), thiab raws li paub yog hu ua Debt Cancellation Conservation Contract Program, muaj rau cov neeg uas muaj FSA cov nyiaj txais tau los ntawm vaj tse liaj av uas muaj lawb ib feem ntawm lawv cov nuj nqis FSA uas yog los hloov yuav ib daim ntawv cog lus rau txoj kev ceev xyoob ntoo liaj ia uas muaj sij hawm ntev txog 50, 30, los yog 10 xyoos. Ib daim ntawv cog lus rau txoj kev ceev tej xyoob ntoo liaj ia teb chaws yog ib daim ntawv cog lus raws cai nyob ntawm siab yeem uas txwv hom thiab qhov nyiaj ntawm cov kev koj ua rau txoj kev tsim thiab ua liaj ua teb uas tej zaum muaj rau ntawm ib feem ntawm ib tus tswv av qhov chaw. Yuav muab cov ntawv cog lus rau ntawm cov av ua qoob loo thiab lwm cov av uas zoo rau kev ceev cia, kev ua si, thiab chaw rau tsiaj qus nyob.

KEV PAB QIV TXAIS NYIAJ NCAJ QHA RAU COV TSWV LIAJ TEB (DIRECT FARM OWNERSHIP LOAN PROGRAM)

FSA cov nyiaj qiv txais rau cov tswv ua liaj teb (farm ownership loans, FO) yuav muab rau mus yuav av ua liaj ua teb, tsim tsa los yog kho tej tuam tsev thiab lwm yam tsev, thiab txhawb txoj kev ceev tej av thiab dej. Kom muaj feem tau txais ib qho nyiaj qiv txais, tus neeg ua ntawv thov yuav tsum tsis muaj peev xwm mus muab tau ib qho credit los ntawm cov kev ua lag luam muab credit, muaj cuab kav ua pom tias them taus qhov nyiaj txais thiab muaj khoom muaj nqis los ntaus txaus (collateral) rau qhov nyiaj txais. Ib feem [best to omit “pua”: “ib feem pua” can mean “one percent”]ntawm cov nyiaj qiv txais yuav muab rau cov ua ntawv thov uas yog cov neeg nyuam qhuav pib ua liaj ua teb thiab yug tsiaj txhu thiab cov pawg neeg tsawg (minority). Kom paub ntxiv, mus saib www.fsa.usda.gov/farmloans.

KEV PAB TXAIS NYIAJ RAU KEV KHIIV HAUJ LWM (DIRECT OPERATING LOAN PROGRAM)

FSA cov nyiaj txais khiav hauj lwm ua liaj teb (farm operating loans, OL) yuav muab rau mus yuav tej yam xws li tsiaj txhu los yug, cuab yeej siv ua liaj ua teb, khoom pub tsiaj, noob qoob, roj, tshuaj khes mis rau liaj teb, ntawv tuav pov hwm, thiab lwm cov kev siv khiav txoj hauj lwm. Cov nyiaj txais no kuj muab siv tau rau kev kho vaj kho tsev tej qhov me, tej nuj nqis ntsig txog kev txhim kho tej av thiab dej, tsev neeg kev noj nyob, thiab rov txais nyiaj them tej nuj nqis rau qee yam. Kom muaj feem tau txais ib qho nyiaj qiv txais, tus neeg ua ntawv thov yuav tsum tsis muaj peev xwm mus muab tau ib qho credit los ntawm cov kev ua lag luam muab credit, muaj cuab kav ua pom tias them taus qhov nyiaj txais thiab muaj khoom muaj nqis los ntaus txaus (collateral) rau qhov nyiaj txais. Ib feem ntawm cov nyiaj qiv txais yuav muab rau cov ua ntawv thov uas yog cov neeg nyuam qhuav pib ua liaj ua teb thiab yug tsiaj txhu thiab cov pawg neeg tsawg (minority). Yog xav paub ntxiv, mus saib www.fsa.usda.gov/farmloans.

COV NYIAJ QIV MUS UA NYIAJ TSO UA NTEJ UA TSWV LIAJ TEB (DOWN PAYMENT FARM OWNERSHIP LOANS)

Cov Nyiaj Qiv Mus Ua Nyiaj Tso Ua Ntej Ua Tus Tswv Liaj TEB (Down Payment Farm Ownership Loans) yog tsim muaj los mus pab rau cov neeg nyuam qhuav pib ua liaj ua teb thiab yug tsiaj txhu yuav ib qhov chaw ua liaj teb (farm) los yog yug tsiaj txhu (ranch). Cov nyiaj qiv no muab ib txoj kev rau cov neeg ua liaj ua teb uas so hauj lwm lawm los mus hloov tswv lawv thaj av rau cov neeg ua liaj ua teb thiab yug tsiaj txhu tiam tom ntej. Tus neeg ua ntawv thov yuav tsum them tsib feem pua tso ua ntej (down payment); FSA muab 45 feem pua ntawm cov nyiaj qiv txais uas xav tau nyob rau tus paj (interest rate) muab txo qis ces lwm qhov chaw txais nyiaj mam them rau qhov seem 50 feem pua. Yog xav paub ntxiv, mus saib www.fsa.usda.gov/farmloans.

KEV PAB NYIAJ KOM HAUM RAU COV NEEG SIV COV PAJ RWB (ECONOMIC ADJUSTMENT ASSISTANCE TO USERS OF UPLAND COTTON)

Lub Koom Txoos Lag Luam Muab Credit (The Commodity Credit Corporation, CCC) them nyiaj rau cov neeg siv paj rwb (upland cotton) hauv lub teb chaws uas muaj feem tau txais. Muaj nyiaj them rau cov neeg siv hauv lub teb chaws uas muaj feem tau txais uas ua ntawv cog lus nrog CCC. Tus nqi them yog peb xees (three cents) rau ib phaus (pound) pib lub 8 Hlis tim 1, 2012. Cov nyiaj tau los ntawm qhov kev pab no yuav tsum muab siv ua nyiaj nqes peev rau txoj kev tsim cov paj rwb mus ua cov koom uas yog paj rwb ua tawm los. Yog xav paub ntxiv, mus saib www.fsa.usda.gov/daco.

KEV PAB CEEV LIAJ IAV THAUM MUAJ XWM KUB CEEV (EMERGENCY CONSERVATION PROGRAM (ECP))

ECP muab nyiaj pab rau cov neeg ua liaj ua teb thiab tu tsiaj txhu los mus kho lawv tej av ua liaj ua teb uas raug puas tsuaj los ntawm cua hlob av pob qawj, dej nyab, cua daj cua dub, los yog lwm cov kev piam sij los ntawm huab cua, thiab kev muab dej ceev cia siv rau thaum lub ntuj

qhuav heev tsis muaj nag. Qhov kev piam sij los ntawm lub ntuj ua yuav tsum ua rau muaj teeb meem tshiab rau txoj kev ceev liaj ia teb chaws, uas yog hais tias, yog tsis tu kho, yuav ua rau 1) muaj kev puas tsuaj tsis zoo rau thaj av, 2) ua rau thaj av tsis zoo qoob, 3) muaj kev puas tsuaj txawv txav uas, tshwj tias tsis yog cua ntsawj, tsis yog hom rov tshwm sim tau mus ntxiv hauv tib cheeb tsam, thiab 4) raug nyiaj ntau los mus kho uas siv los yog yuav siv tsoom fww qhov kev pab los kho kom rov siv tau thaj av los cog qoob cog loo. Nyob ntawm seb peev nyiaj muaj li cas, cov pab pawg neeg tswj hwm uas raug xaiv hauv lub nroog yog cov raug tso cai siv ECP rau tas nrho cov kev piam sij tshwj tsis yog qhov ntuj qhuav tsis muaj nag, uas tej zaum yuav yog pom zoo tso cai los ntawm FSA qhov chaw ua hauj lwm hauv teb chaws. ECP cov neeg koom uas muaj feem tau txais qhov kev pab yuav tau txais nyiaj pab siab txog 75 feem pua ntawm tus nqi los mus kho thaj av kom rov zoo uas tau pom zoo raws li tau txiav txim los ntawm nroog cov pab pawg neeg tswj hwm FSA; cov neeg ua qoob loo uas muaj feem tau txais raws cai tej zaum kuj yuav tau txais nyiaj pab siab mus txog 90 feem pua. Yog xav paub ntxiv, mus saib www.fsa.usda.gov/conservation.

KEV PAB ROV KHO TEJ HAV NTOO THAUM MUAJ XWM KUB CEEV (EMERGENCY FOREST RESTORATION PROGRAM, EFRP)

EFRP muab nyiaj pab rau cov tswv ntiag tug ntawm cov hav ntoo nyob tom hauv sab tsis yog rau kev lag luam kom siv cov kev ua thaum muaj xwm kub ceev los mus kho cov ntoo nyob rau ntawm cov thaj av uas raug piam sij los ntawm lub ntuj ua xws li dej nyab, cua daj cua dub, los yog lwm yam kev piam sij los ntawm lub ntuj ua. Nyob ntawm seb peev nyiaj muaj li cas, cov pab pawg neeg tswj hwm uas raug xaiv hauv lub nroog yog cov tau kev tso cai siv EFRP rau tas nrho cov kev piam sij tshwj qhov ntuj qhuav tsis muaj nag thiab muaj kab, uas tej zaum yuav yog pom zoo tso cai los ntawm FSA qhov chaw ua hauj lwm hauv teb chaws. EFRP cov neeg koom uas muaj feem tau txais qhov kev pab yuav tau txais nyiaj pab siab txog 75 feem pua ntawm tus nqi los mus siv cov kev coj ua kho cov ntoo uas tau pom zoo raws li tau txiav txim los ntawm county FSA pab pawg neeg tswj hwm. Yog xav paub ntxiv, mus saib <http://disaster.fsa.usda.gov>.

KEV PAB THAUM MUAJ XWM KUB CEEV RAU TSIJ TXHU, MUV UA ZIB THIAB NTSES YUG (EMERGENCY ASSISTANCE FOR LIVESTOCK, HONEYBEES AND FARM-RAISED FISH PROGRAM (ELAP))

Qhov Kev Pab Thaum Muaj Xwm Kub Ceev Rau Tsijs Txhu, Muv Ua Zib Thiab Ntses Yug (The Emergency Assistance for Livestock, Honeybees and Farm-Raised Fish Program, ELAP) muab nyiaj rau cov neeg yug tsiaj txhu, yug muv ua zib, thiab yug ntses hauv liaj teb uas muaj cai tau kev pab los mus pab ntxiv rau lawv cov nyiaj poob vim los ntawm kev tau kab mob (xws li mob zuam tom nyuj) huab cua phem, los yog lwm yam teeb meem, xws li los daus loj thiab hluav taws kub, raws li tau txiaiv txim los ntawm tus Thawj Tswj (Secretary). ELAP tau kev tso cai los ntawm tsab cai Agricultural Act ntawm 2014 (tsab cai 2014 Farm Bill) uas yog ib qho kev pab muaj tas mus li thiab muab cai rau yav dhau los los mus them rau cov nyiaj poob uas tau tshwm sim rau thaum los yog tom qab lub 10 Hlis tim1, 2011. ELAP qhov nyiaj pab yog muab rau cov nyiaj poob uas tsis them rau los ntawm qhov Livestock Forage Disaster Program (LFP) thiab qhov Livestock Indemnity Program (LIP). Yog xav paub ntxiv, mus saib <http://disaster.fsa.usda.gov>.

KEV PAB QIV NYIAJ THAUM MUAJ XWM KUB CEEV (EMERGENCY LOAN PROGRAM, EM)

FSA muab EM cov nyiaj qes txais los mus pab rau cov ua qoob loo kom rov tau lawv cov nyiaj poob vim los ntawm lub ntuj qhuav tsis muaj nag, dej nyab, lwm yam kev piam sij los ntawm lub ntuj ua, los yog kev muab cais rau ib qho vim muaj kab mob. EM cov nyiaj qiv tej zaum yuav muab rau cov neeg ua liaj ua teb thiab cov tu tsiaj txhu uas thov tsis tau credit los ntawm cov chaw ua lag luam thiab ua tus tswv los yog qhib ib thaj av nyob hauv ib lub nroog av uas tus Thawj Coj Ntug (President) muab hu tias yog ib cheeb tsam raug piam sij loj los yog tus Thawj Tswj Fab Kev Ua Qoob Loo (Secretary of Agriculture) tau muab tis npe ua ib cheeb tsam raug piam sij loj los yog ib cheeb tsam muab cais rau ib qho vim muaj kab mob (rau cov nyiaj

poob nkaus xwb, tej zaum Tus Tswj FSA Administrator kuj yuav pom zoo tso cai muab nyiaj txais thaum muaj xwm kub ceev). Peev nyiaj txais thaum muaj xwm kub ceev yuav muab siv tau mus 1) kho los yog hloov tej khoomtseem ceeb, 2) them tas nrho los yog ib feem ntawm cov nqi tsim us khoom nyob rau lub xyoos uas muaj kev piam sij, 3) them tsev neeg cov kev siv uas tseem ceeb rau txoj kev noj haus, 4) rov txhim kho txoj kev khiav hauj lwm ua liab ua teb, thiab 5) rov txais nyiaj them rau qee yam nuj nqis. Yog xav paub ntxiv, mus saib <http://disaster.fsa.usda.gov>.

COV NYIAJ PAB THEM RAU KEV SIB TW NTAWM COV KEV UA PAJ RWB (EXTRA LONG STAPLE (ELS) COTTON COMPETITIVENESS PAYMENTS)

Cov Nyiaj Pab Them Rau Kev Sib Tw Ntawm Cov Kev Ua Paj Rwb (ELS Cotton Competitiveness Payments) yog muab rau cov neeg siv ELS cov paj rwb (cotton) hauv lub teb chaws thiab cov xa tawm thaum cov nqi muag raws kiab khw ntawm cov uas tsim hauv lub teb chaws yog tias piv rau ELS cov paj rwb uas tsim nyob lwm teb chaws cov nqi ua kom yuav tsum muaj cov nyiaj pab los mus ua kom txoj kev sib tw tus nqi ntawm cov paj rwb uas tsim hauv lub teb chaw zoo dua qub nyob hauv ntiaj teb lub khw muag khoom. Yog xav paub ntxiv, mus saib www.fsa.usda.gov/daco.

KEV PAB TXAIS NYIAJ RAU COV CHAW RAU KHOOM UA LIAJ TEB (FARM STORAGE FACILITY LOAN PROGRAM)

Lub CCC, los ntawm FSA, yuav muab peev nyiaj qiv rau cov neeg ua qoob loo los mus ua thiab kho cov chaw rau khoom thiab siv cov chaw rau cia tej nplej, noob taum pauv, taum pauv qhuav, lentils, me nyuam noob taum chickpeas, laum huab xeeb, zaub nyuj, zib muv, renewable biomass, noob paj hnug hlis, canola, rapeseed, safflower, flaxseed, mustard seed, thiab lwm yam noob ua tau roj raws li tau txiaiv txim thiab muab tshaj tawm los ntawm CCC. Pob kws, noob grain sorghum, oats, wheat, barley, thiab txiv hmab txiv ntoo thiab zaub los yeej muaj feem tau nyiaj pab, mus raws li ntawm qhov kev pab cov cai. Yog xav paub ntxiv, mus saib www.fsa.usda.gov/pricesupport.

**KEV PAB RAU COV THAJ AV MUAJ
DEJ UAS MUAB UA TAU LIAJ TEB
(FARMABLE WETLANDS
PROGRAM, FWP)**

1]The Farmable Wetlands Program (FWP) yog ib qho kev pab raws siab yeem los mus kho ntau txog 750,000 evkawj ntawm cov av muaj dej los yog hav iav uas muab ua tau liaj teb thiab cov thaj av puab ncig uas yog kho kom thaj av muaj dej thiab tej nroj tsuag zoo dua qub. Cov neeg ua qoob loo uas muaj feem tau txais qhov kev pab no yuav muab tau thaj av tso npe txais kev pab rau hauv FWP ntawm qhov Kev Pab Cuam Ceev Liaj Ia (Conservation Reserve Program, CRP). Ntawv cog lus sij hawm ntev yog nyob nruab nrab ntawm 10 thiab 15 xyoos. FWP raug tsim los tiv thaiv cov cheeb tsam av muaj dej los yog hav iav kom txhob phem puas dua qub, ua kom ceev tau tej quav chiv uas dej tshoob los khuab tseg, ua rau tej dej zoo dua qub, tiv thaiv kom av txhob pob qawj thiab muaj chaw nyob rau tej os dej thiab lwm cov tsiaj qus. Yog xav paub ntxiv, mus saib www.fsa.usda.gov/conservation.

**QHOV MUAB COV KHOOM NYOOS
LIM MUS UA LWM YAM
(FEEDSTOCK FLEXIBILITY
PROGRAM, FFP)**

FFP yog tsim los mus pab kom zam txhob muaj poob nyiaj rau cov nyiaj qiv los ua piam thaj rau lub Commodity Credit Corporation (CCC) los ntawm qhov muab cov piam thaj uas ntau dhaunyob hauv kiab khw hloov mus ua qhov khoom ua tawm los (bioenergy production). Txhua peb lub hlis, USDA tshaj tawm seb nws puas npaj los mus yuav cov piam thaj rau lub hom phiaj ntawm qhov khoom ua tawm los (bioenergy production). Cov piav thaj tseem nyoos, cov muab lim lawm los yog muab zom yuav muaj feem rau qhov yuav no. Cov piam thaj no yuav raug yuav los ntawm ib lub kiab khw twg uas nyob hauv teb chaws Meskas. Yog xav paub ntxiv, mus saib www.fsa.usda.gov/pricesupport.

**KEV PAB KHOOM NOJ RAU LWM
LUB TEB CHAWS (FOREIGN FOOD
ASSISTANCE)**

FSA yuav tej khoom los ntawm kev ua qoob loo uas yog muab coj mus pub rau cov chaw khiav hauj lwm ntawm lwm lub teb chaws los mus pab yug cov neeg nyob thoob qab ntuj. Qhov Kev Pab Fab Ua Qoob Loo Rau TxawvTeb Chaws (Foreign Agricultural Service, FAS) ntawm USDA yog tus muab cov khoom noj xa mus pub rau cov koom txoos uas khiav hauj lwm nyob hauv ntau lub teb chaws uas ua hauj lwm txhim kho thiab muab kev pab rau neeg ntiaj teb. Cov kev pub khoom noj tseem yuav pab FAS Qhov Kev Pab Cuam Khoom Noj Kom Muaj Kev Nce Qib (FAS Food for Progress), uas yog pab rau cov teb chaws ua txoj hauj lwm hloov los mus ua lag luam muaj kiab khw. Yog xav paub ntxiv, mus saib www.fsa.usda.gov/daco.

**KEV TIV THAIV DEJ KOM TXHOB
PAUG TISIS HUV (GRASSROOTS
SOURCE WATER PROTECTION
PROGRAM)**

Kev Tiv Thaiv Dej Kom Txhob Paug Tsis Huv (Grassroots Source Water Protection Program, GSWPP) yog ib txoj hauj lwm sib koom tes ntawm FSA thiab lub koom haum tsis yuav paj National Rural Water Association (NRWA) uas yog tsim los pab tiv thaiv kom cov dej txhob paug tsis huv hauv cov xeev los ntawm cov kev coj ua raws siab yeem uas muab teeb tsa los ntawm cov neeg ua qoob loo thiab cov tswv av hauv them zej zos. GSWPP tso siab rau rab peev xwm muab kev pab ntawm txhua lub xeev lub koom txoos saib xyuas tej dej tom hauv sab hauv cov xeev uas khiav txoj hauj lwm tiv thaiv dej kom txhob paug tsis huv. Cov koom haum no muab kev pab tsim muaj kev tiv thaiv tej dej hauv tej chaw ua dej ntwis uas yog muaj lub hom phiaj los tiv thaiv tej dej haus kom txhob paug tsis huv. Yog xav paub ntxiv, mus saib www.fsa.usda.gov/conservation.

TSHAV TSIAJ NOJ ZAUB QHOV KEV PAB (GRAZE-OUT PROGRAM)

Tshav Tsiaj Noj Zaub Qhov Kev Pab (The Graze-out Program) muab nyiaj pab rau cov neeg ua qoob loo uas muaj feem tau txais kev pab uas xaiv los mus siv lawv thaj av ua qoob loo los mus cog noob npleg (wheat), noob barley, noob oats, los yog noob triticale rau tsiaj txhu noj thiab pom zoo los mus tso tseg lwm yam qoob loo nyob rau thaj av ntawd thaum lub sij hawm cog qoob loo xyoo ntawd. Graze-out cov nyiaj yog poob rau tib cov cai li cov nyiaj qiv txais mus ua qoob loo (commodity loans) thiab, thaum muaj, them rau cov nyiaj qiv uas them tsis tas (loan deficiency).

NYIAJ QIV UA TUS TSWV RAU KEV UA LIAJ UA TEB (GUARANTEED FARM OWNERSHIP LOAN PROGRAM)

FSA cov nyiaj qev txais muab rau cov tuam txhab txais nyiaj (tuam txhab tso nyiaj, cov tuam tsev Farm Credit System i, cov credit unions) uas them siab txog 95 feem pua ntawm cov nyiaj poob peev thiab paj rau ntawm ib qho nyiaj qiv. Cov neeg ua liaj ua teb thiab yug tsiaj txhu yuav tau mus ua ntawv thov rau ntawm ib lub tuam txhab txais nyiaj, ces mam li tau txais daim ntawv cog lus muab nyiaj. FSA daim ntawv cog lus muab nyiaj tso rau cov tuam txhab txais nyiaj los mus muab credit rau kev ua qoob loo uas muaj rau cov neeg ua qoob loo uas ua tsis tau raws li lub tuam txhab txais nyiaj cov cai uas ib txwm muaj los. Ib feem ntawm cov nyiaj qiv txais yuav muab rau cov ua ntawv thov uas yog cov neeg nyuam qhuav pib ua liaj ua teb thiab yug tsiaj txhu thiab cov pawg neeg tsawg (minority). Cov Nyiaj Qev Txais Ua Tus Tswv Rau Kev Ua Liaj Ua Teb (Guaranteed Farm Ownership Loans) yuav siv tau mus yuav av ua liaj ua teb, tsim tsa los yog kho tej tuam tsev thiab lwm yam tsev, txhawb txoj kev ceev tej av thiab dej, los yog rov txais nyiaj them rau nuj nqis. Yog xav paub ntxiv, mus saib www.fsa.usda.gov/farmloans.

NYIAJ QIV KHIIV HAUJ LWM (GUARANTEED OPERATING LOAN PROGRAM)

FSA cov nyiaj qiv tsorau cov tuam txhab txais nyiaj (tuam txhab tso nyiaj, cov tuam tsev Farm Credit System institutions, cov credit unions) ua them siab txog 95 feem pua ntawm cov nyiaj poob peev thiab paj rau ntawm ib qho nyiaj qiv. Cov neeg ua liaj ua teb thiab yug tsiaj txhu yuav tau mus ua ntawv thov rau ntawm ib lub tuam txhab txais nyiaj, ces mam li tau txais daim ntawv cog lus muab nyiaj. Lub FSA tso rau cov tuam txhab txais nyiaj los mus muab credit rau kev ua qoob loo rau cov neeg ua qoob loo uas ua tsis tau raws li lub tuam txhab txais nyiaj cov cai uas ib txwm muaj los. Ib feem ntawm cov nyiaj qiv txais yuav muab rau cov ua ntawv thov uas yog cov neeg nyuam qhuav pib ua liaj ua teb thiab yug tsiaj txhu thiab cov pawg neeg tsawg (minority). Cov Nyiaj Qiv Khiav Hauj Lwm (Guaranteed Operating Loans) yuav muab rau mus yuav tej yam xws li tsiaj txhu los yug, cuab yeej siv ua liaj ua teb, khoom pub tsiaj, noob qoob, roj, tshuaj khes mis rau liaj teb, ntawv tuav pov hwm, thiab lwm cov kev siv khiav txoj hauj lwm.

OLs cov nyiaj txais no kuj muab siv tau rau kev kho vaj kho tsev tej qhov me, tej nuj nqis nrog rau kev txhim kho tej av thiab dej, tsev neeg kev noj nyob, thiab rov txais nyiaj them tej nuj nqis rau qee yam. Yog xav paub ntxiv, mus saib www.fsa.usda.gov/farmloans.

KEV PAB TIV THAIV VAJ TSE NYOB (HOMESTEAD PROTECTION PROGRAM)

Yog hais tias FSA tau ua tas nrho nws cov kev pab txais nyiaj thiab zam tej kev poob vaj tse nyob rau ib thaj av ntiag tug uas xyuas raws txoj cai, qhov Kev Pab Cuam Tiv Thaiv Vaj Tse (Homestead Protection Program) yuav cia rau tus neeg txais nyiaj los mus xoj (lease), nrog rau qhov xaiv los mus yuav, lawv qhov chaw nyob thiab ntau txog 10 acres av nyob sib txuas ntev mus txog tsib xyoos.

**KEV PAB CUAM KOM TAU AV
RAU COV NEEG Khab (INDIAN
TRIBAL LAND ACQUISITION
PROGRAM, ITLAP)**

ITLAP cov nyiaj qiv ua rau cov pawg neeg Khab (Indian tribes) los mus yuav cov av uas yog lwm tus li uas txum rau hauv thaj av lawv nyob. Yuav muab tau peev nyiaj qiv siv mus them rau cov nqi ntsig txog qhov yuav thaj av, tab sis tsis yog rau kev txhim kho thaj av.

**KEV PAB LAV MAJ MAM THEM
TUS NQI (LAND CONTRACT
GUARANTEE PROGRAM)**

Muaj ntawv lav (guarantees) rau tus tswv ntawm ib lub tsev ua liaj teb uas muag av thiab vaj tse los ntawm ib daim ntawv cog lus txog thaj av rau ib tus neeg uas pib ua liaj teb los yog tsis tau kev pab txaus. Daim ntawv lav yog ib qho ua kom muaj lub siab loj los mus muag rau cov neeg no vim nws yuav txo tau qhov yuav poob taus nyiaj rau tus neeg muag thaum them tsis taus. FSA muaj ob hom ntawv lav: tus muag yuav thov tau qhov Kev Lav Them Kom Sai (Prompt Payment Guarantee) siab txog qhov nyiaj uas kom muab ua peb xyoos them ntxiv rau tus nqi ntawm cov se thiab ntawv tuav pov hwm; los yog ib daim Ntawv Lav Uas Ib Txwm Siv (Standard Guarantee) uas yog 90 feem pua ntawm qhov nyiaj tshuav tsis tau them raws li daim ntawv cog lus (land contract). Yog xav tau txais kev pab, cov tswv yuav yuav tsum nyob rau feem tau txais kev pab cov cai uas zoo sib xws li cov siv rau cov kev pab cuam Muab Kev Lav thiab Muab Ncaj Nraim Rau Txoj Kev Ua Tus Tswv Liaj Teb (Guaranteed and Direct Farm Ownership programs).

**KEV PAB RAU TSIAJ TXHU
RAUG PIAM SIJ (LIVESTOCK
FORAGE DISASTER
PROGRAM, LFP)**

LFP muav nyiaj ntxiv rau cov neeg tu tsiaj txhu uas muaj feem tau txais qhov kev pab uas tsis muaj tshav zaub rau cov tsiaj nyob ntawm

thaj av uas lawv ib txwm nyob ntawd los yog cov tshav tsiaj uas muaj nroj los yog cov uas cog zaub rau kom ua tshav zaub rau tsiaj noj. Qhov uas tsis muaj tshav tsiaj rau tsiaj noj zaub yuav tsum yog vim los ntawm ntuj qhuav tsis muaj nag rau lub sij hawm uas kheev yog lub caij tso tsiaj noj zaub rau lubnroog. LFP tseem muab nyiaj pab rau cov neeg yug tsiaj uas muaj feem tau txais kev pab uas muaj kev puas tsuaj rau cov tshav zaub rau tsiaj noj nyob ntawm cov thaj av uas tswj hwm los ntawm tsoom fwv lub chaw khiav hauj lwm yog hais tias tus neeg yug tsiaj raug txwv los ntawm tsoom fwv lub chaw khiav hauj lwm kom tsis pub tso tsiaj mus noj zaub rau ntawm cov thaj av uas raug tswj vim los ntawm hluav taws kub hnyiab. Yog xav paub ntxiv, mus saib

<http://disaster.fsa.usda.gov>.

**KEV PAB RAU TSIAJ TXHU (LIVESTOCK
INDEMNITY PROGRAM (LIP))**

LIP muab nyiaj pab rau cov neeg yug tsiaj txhu uas nws cov tsiaj tau tuag coob tshaj txoj kev uas tsiaj txhu kheev tuag los mus vim huab cua phem. ntxiv no, LIP tseem them rau cov uas raug cov tsiaj qus uas tsoom fwv rov muab tso mus rau hav zoo tom uas yog cov uas raug pov thaiv los ntawm tsoom fwv txoj cai, xws li cov hma thiab cov noog uas tom lwm cov noj. Yog xav paub ntxiv, mus saib

<http://disaster.fsa.usda.gov>.

**KEV PAB TIV THAIV THAUM TUS NQI
POOB QIS RAU COV KHOOM UAS
MUAB MIS NYUJ UA (MARGIN
PROTECTION PROGRAM FOR DAIRY,
MPP-Dairy)**

Qhov Kev Pab Tiv Thaiv Thaum Tus Nqi Qis Rau Cov Khoom Uas Muab Mis Nyuj Ua (Margin Protection Program for Dairy, MPP-Dairy) yog ib qho kev tswj raws siab yeem rau cov neeg uas muab mis nyuj tsim ua khoom uas tau tso kev cai los ntawm Tsab Cai 2014 Farm Bill mus txog lub 12 Hlis tim 31, 2018. Qhov Kev Pab Cuam MPP-Dairy muab kev tiv thaiv rau cov neeg uas muab mis nyuj tsim ua khoom thaum tus nqi ntawm tas nrho cov mis nyuj thiab qhov nruab nrab ntawm tus nqi yug tsiaj (tus nqi poob qis) poob qis tshaj qeev tus nqi ua nyiaj

nruaslas uas raug xaiv los ntawm tus neeg tsim khoom. Yog xav paub ntxiv, mus saib www.fsa.usda.gov/dairy.

NYIAJ QEV TXAIS TSAWG THIAB MUS SIJ HAWM LUV (MICROLOAN PROGRAM)

Cov nyiaj qev txais tsawg thiab mus sij hawm luv yog cov nyiaj feem me ntawm cov peev nyiaj qiv rau kev khiav hauj lwm uas muab kev yooj yim mus tau credit rau cov kev khiav hauj lwm ua liaj teb tej yam me, xws li tej yam tshwj xeeb, tej hom lag luam me thiab cov neeg uas tsim khoom noj hauv zej zos. Qhov Kev Txais Nyiaj Tsawg thiab Mus Sij Hawm Luv no muab kev yooj yim rau txoj kev lis daim ntawv ua thov kev pab thiab txo txoj kev siv ntaub ntawv kom tsawg. Nws muab kev yooj yim ntxiv rau qee cov cai tau nyiaj qiv, txo tej ntaub ntawv komtsawg, thiab muab txoj kev npaj tau zoo rau fab nyiaj txiag rau tej kev khiav hauj lwm lag luam me. Cov neeg ua ntawv thov uas muaj feem tau txais qhov kev txais nyiaj no yuav tau ntau txog \$50,000. Yog xav paub ntxiv, mus saib www.fsa.usda.gov/microloans.

KEV PAB RAU COV QOOB LOO RAUG PIAM SIJ UAS TSIS MUAJ NTAWV TUAV POV HWM (NONINSURED CROP DISASTER ASSISTANCE PROGRAM, NAP)

NAP muab nyiaj pab rau cov qoob loo tsis muaj ntawv tuav pov hwm uas poob lawm vim los ntawm ntuaj qhuav tsis muaj nag, dej nyab, cua daj cua dub, los yog lwm cov kev piam sij los ntawm lub ntuj uas. Cov tswv liaj tswv teb, cov xoj teb ua (tenants), los yog cov uas xoj lwm tus li teb es mam them qoob loo rau tus tswv teb (sharecroppers) yuav muaj feem tau txais kev pab rau qhov no rau ib yam qoob loo uas muaj feem tau txais kev pab. Cov qoob loo uas muaj tau txais qhov kev pab yog cov uas tsis muaj ntawv tuav pov hwm qoob loos. Tseem muaj cov uas muaj feem tau txais NAP pab (nceb thiab cog paj), cov qoob loo tshwj xeeb (zib mus

thiab maple sap), thiab cov qoob loo uas tus nqi poob (kev yug ntses los yog cog ntoo rau hauv hav dej, ntoo Christmas, ginseng, cog ntoo saib nkauj, thiab cog nyom). Tsab Cai 2014 Farm Bill cia rau cov neeg ua qoob loo los mus yuav ntawv tuav pov hwm kom siab dua them yuav them thaum muaj kev piam sij thiab them tus nqi (premium) ntxiv. Cov neeg ua liaj ua teb tshiab, nyiaj txiag tsawg thiab tsis tau kev pab zoo dhau los yuav muaj feem tau txais kev pab dawb rau cov kev piam sij thiab yuav tau txais kev pab ntau dua thiab yuav txo tus nqi them (premium) kom tsawg. Yog xav paub ntxiv, mus saib www.fsa.usda.gov/nap.

COV NYIAJ QIV UAS MUAB KHOOM MUAJ NQIS LOS NTAUS RAU THIAB PAB RAU COV NYIAJ QIV UAS THEM TSIS TAUS (NONRECOURSE MARKETING ASSISTANCE LOAN (MAL) AND LOAN DEFICIENCY PAYMENT (LDP) PROGRAMS)

MALs muab nyiaj pab mus ib ntus rau cov neeg ua qoob loos thaum lub sij hawm sau qoob loo kom tau pab lawv daws tej teeb meem nyiaj txiag yog tias cov nqi muag lawv tej khoom poob qis thaum lub caij sau qoob. MALs rau cov khoom uas yuav tau them yog nyiaj qiv uas muab khoom muaj nqis los ntaus rau vim tau lav muab qhov khoom los ntaus rau peev nyiaj qiv thiab cov neeg ua qoob loo yuav xaiv tau qhov muab qhov khoom uas tau cog lus rau CCC ua ib qho nyiaj them puv ntoob rau thaum txog caij them qhov nyiaj qev txais. Ib tus neeg ua qoob loo uas muaj feem tau txais qhov nyiaj qiv, tab sis pom zoo los mus tso tseg tsis yuav qhov nyiaj qiv, yuav tau ib qho LDP. Ib tsev nyiaj qev txais LDP yog qhov uas tus nqi qev txais (loan rate) siab tshaj tus nqi uas yuav tau them rov qab (alternative loan repayment rate) rau yam khoom ntawd. Yog xav paub ntxiv, mus saib www.fsa.usda.gov/pricesupport.

QHOV THAWJ KEV PAB RAU PEEV NYIAJ QIV (PRIMARY LOAN SERVICING PROGRAM)

Qhov Thawj Kev Pab Cuam Rau Peev Nyiaj Qiv (The Primary Loan Servicing Program) muab cov kev xaiv rau FSA cov neeg tuaj txais nyiaj uas yeej muaj lawm uas, vim muaj tej yam teeb meem dhau ntawm lawv txoj kev tswj tau, tsis muaj peev xwm los mus them lawv cov nuj nqis raws li lub sij hawm tau teem cia mus rau tsoom fwv. Cov kev xaiv no yuav muaj xws li txoj kev muab tej nuj nqis los tso ua ke, rov teem caji them dua los yog rov muab tus nqi them los xam dua, txo tus nqis them paj (interest rate), thiab txo qhov nyiaj (write down). Qhov kev pab no cia rau FSA cov neeg txais nyiaj uas them tsis taus qhov nyiaj qiv /muaj teeb meem nyiaj txiag los mus tswj tau, los yog ceev, lawv qhov nyiaj qiv tiam sis ua ke ntawd ho cia rau cov neeg txais nyiaj kom rov nres tau lawv tus kheej tej nyiaj txiag kom ruaj khov mus sij hawm ntev tom ntej.

NOOB PAJ RWB COV NYIAJ QIV LOS PAB (RECOURSE SEED COTTON LOANS)

Noob paj rwb cov nyiaj qiv los pab yog muaj los ntawm CCC rau cov neeg cog paj rwb mus txog rau lub 3 Hlis tim 31 ntawm lub xyoo tom qab lub xyoo uas kheev yog lub sau cov paj rwb. Cov noob paj rwb uas muab ntaus nqi rau qhov nyiaj qev txais yuav tsum muab them rau CCC los ntawm tus neeg cog paj rwb uas muaj feem tau txais qhov kev pab thiab yuav tsum yog cov muaj nyob ntawd thiab yog cov zoo thaum lub sij hawm them cov nyiaj qev txais, ntxiv nrog rau lwm cov cai uas hais kom ua. Tus neeg cog paj rwb yuav tsum them qhov nyiaj txais tus nqi peev (principal), tus nqi paj (interest), thiab lwm yam nqi uas muab tsub rau (charges) ua ntej muab cov paj rwb los ntaus nqi los yog ua ntej pom zoo rau ib qho nyiaj qev txais uas them tsis tas. Yuav tau them noob paj rwb cov nyiaj qiv them thaum hais kom them los ntawm CCC tab sis tsis pub dhau lub 5 Hlis tim 31 tom qab lub xyoo uas uas kheev yog lub sau cov paj rwb. Yog xav paub ntxiv, mus saib www.fsa.usda.gov/pricesupport.

KEV PAB NTXIV NYIAJ RAU TUS NQI THAUJ KHOOM RAU CHEEB TSAM COV NEEG UA LIAJ UA TEB THIAB COV NEEG YUG TSIJ UAS XAV TAU KEV PAB (REIMBURSEMENT TRANSPORTATION COST PAYMENT PROGRAM, RTCP) FOR GEOGRAPHICALLY DISADVANTAGED FARMERS AND RANCHERS)

Tsab cai 2014 Farm Bill tau rov qab tso cai rau qhov Kev Pab Ntxiv Nyiaj Rau Tus Nqi Thauj Khoom Rau Cheeb Tsam Cov Neeg Ua Liaj Ua Teb Thiab Cov Neeg Yug Tsijs Uas Xav Tau Kev Pab (Reimbursement Transportation Cost Payment Program for Geographically Disadvantaged Farmers and Ranchers, RTCP) los mus them nyiaj pab rau cheeb tsam cov neeg ua liaj teb rau ib feem ntawm tus nqi thauj lawv cov khoom ua tau los yog cov uas muab siv mus ua ib qho khoom los ntawm kev ua liaj teb. Yog xav paub ntaiv, mus saib www.fsa.usda.gov/pricesupport.

KEV QIV NYIAJ UA PIAM THAJ THIAB TEEV CAJ CIAM MUAG PEM THAJ SUGAR LOAN PROGRAMS AND SUGAR MARKETING ALLOTMENTS

Qhov Kev Pab Cuam Qev Txais Nyiaj Ua Piam Thaj (Sugar Loan Program) muab cov nyiaj txais uas muab khoom muaj nqis los ntaus (nonrecourse) rau cov neeg ua piam thaj hauv lub teb chaws uas cog kab tsib ua piam thaj thiab cov zaub ntug hauv paus ua piam thaj. Qhov kev pab no muab nyiaj pab rau cov neeg cog kab tsib thaum lub sij hawm sau kab tsib xwv kom cov neeg cog tsis txhob muag lawv cov kab tsib thaum lub sij hawm sau kab tsib es tus nqi kheev qis heev. Tsab Cai 2014 Farm Bill tso cai rau FSA los mus tswj hwm cov nyiaj txais uas muab khoom muaj nqis los ntaus rau xyoo ua liaj ua teb 2014 mus txog 2018 sawv cev CCC. Yog xav paub ntaiv, mus saib www.fsa.usda.gov/pricesupport.

KEV PAB TXAIS NYIAJ RAU COV CHAW CIA PIAM THAJ (SUGAR STORAGE FACILITY LOAN PROGRAM)

FSA tej zaum kuj muab nyiaj qiv rau cov neeg ua piam thaj hauv teb chaws los mus tsim kom muaj los yog kho cov tsev uas muab cov piam thaj nyoos thiab cov twb muab zom los yog muab lim lawm coj mus tso rau hauv. Cov nyiaj qiv no tsuas muab coj mus yuav thiab teeb tsa tau cov chaw uas muaj feem tsim nyog tau txais qhov kev pab, cov uas twb muaj cuab yeej lawm, los yog coj mus kho cov chaw uas twb muaj nyob ntawd lawm. Yog xav paub ntxiv, mus saib www.fsa.usda.gov/pricesupport.

KEV PAB RAU NTOO (TREE ASSISTANCE PROGRAM)

Tsab Cai 2014 Farm Bill rov qab tso cai rau Qhov Kev Pab Cuam Rau Ntoos (Tree Assistance Program, TAP) los mus muab nyiaj pab rau cov neeg cog txiv hmab txiv ntoos thiab cov cog yub ntoos kom rov cog los yog tu cov ntoos, cov tauv nroj thiab cov hmab ntoos uas raug piam sij los ntawm lub ntuj ua. Tsab Cai 2014 Farm Bill tau tsa TAP uas ib qhov kev pab rau thaum muaj kev piam sij thiab muab cai rau rov mus pab them rau cov kev poob yav tas los txij thaum lub 10 Hlis tim 1, 2011. Yog xav paub ntxiv, mus saib <http://disaster.fsa.usda.gov>.

TEB CHAWS MESKAS TSAB CAI HAIS TXOG TSEV RAU KHOOM (UNITED STATES WAREHOUSE ACT, USWA)

Tsab Cai USWA tso cai rau tus Thawj Coj (Secretary) los mus muab ntawv pov thawj rau cov neeg uas muaj tsev rau khoom uas xav thov cai raws kev muaj ntawv pov thawj hauv USWA los mus cia cov khoom ua liaj teb, xws li noob npleg, paj rwb, laum huab xeeb, piam thaj thiab lwm yam khoom uas ua tau los ntawm kev ua liaj ua teb. FSA tswj hwm USWA los ntawm qhov muab ntawv pov

thawj rau cov neeg uas muaj tsev rau khoom, cai tswj cov muab ntawv txais ua ntawv (paper) thiab hauv tshuab fais fab (electronic), tiv thaiv cov neeg uas mus cia lawv tej khoom los ntawm kev them nyiaj los yog lwm yam kev pab nyiaj thiab saib xyuas kom ua raws cai. USWA muab kev siv rau ntawm cov tsev rau khoom cov tw ntawv tau txais thiab kom cov neeg uas muaj tsev rau khoom yuav tsum txais txoj kev ua liaj teb cov khoom uas ua tau los es muab cia yam tsis muaj kev cais neeg tsis raws cai. Raws li USWA txoj cai, cov chaw yeej muaj raws li cov cai kom muaj thiab tu zoo raws li txoj cai. USWA tso cai rau FSA los mus siv txoj cai tiv thaiv rau cov neeg cia khoom thiab kev ua liaj teb tej khoom uas muaj tso rau hauv cov chaw cia khoom uas muaj ntawv pov thawj. Yog xav paub ntxiv, mus saib www.fsa.usda.gov/daco.

NYIAJ QIV TXAIS RAU COV TUB NTXHAI HLUAS (YOUTH LOANS)

FSA muaj nyiaj qiv txais rau cov tub ntxhais hluas nyob tom hauv sab, uas muaj hnub nyoog nyob nruab nrab ntawm 10 thiab 20 xyoos, los mus tsim tsa thiab qheb cov hauj lwm ua qoob loo uas khwv tau nyiaj los uas yog ib txoj hauj lwm loj hauj sim nrog rau lawv txoj kev koom rau hauv cov pab pawg 4-H clubs, cov Neeg Ua Liaj Ua Teb Yav Tom Ntej ntawm Teb Chaws Meskas (Future Farmers of America) thiab cov koom txoos zoo ib yam li no. Txoj hauj lwm no yuav tsum npaj thiab khiav muaj kev pab los ntawm lub koom txoos tus neeg pab tswv yim, ua tau nyiaj txaus los mus them rau qhov nyiaj qiv txais, thiab muab tau txoj kev paub ua lag luam thiab kev kawm rau tus tub ntxhais hluas. Yog xav paub ntxiv, mus saib www.fsa.usda.gov/youth-loans.

LUS QHIA PAUB NTXIV

Yog xav paub ntxiv hais txog FSA cov kev pab cuam, mus rau ntawm www.fsa.usda.gov/factsheets los yog hu rau FSA qhov chaw ua hauj lwm hauv koj lub zos. Yog xav nrhiav FSA qhov chaw ua hauj lwm hauv koj lub zos, mus saib <http://offices.usda.gov>.

Tsoom Fwv Rooj Tsav Xev Kev Ua Qoob Loo (U.S. Department of Agriculture, USDA) txwv tsis pub xaiv ntsej xaiv muag tsis raws cai nyob hauv tas nrho nws cov kev pab thiab kev ua hauj lwm txhua yam los ntawm haiv neeg, tsos nqaij daim tawv, keeb kwm teb chaws uas yug los, hnub nyoog, muaj mob xiam oob qhab tsis taus, thiab nyob ntawm qhov siv tau rau, yog poj niam/txiv neej, kev txwjnkawm, muaj cuab yig los tsis muaj, muaj niam muaj txiv los tsis muaj, kev ntseeg, hom nyiam kev nkauj nraug, kev ntseeg txog kev tswj teb chaws, ntaub ntawv qhia txog caj ces, ua phem pauj, los yog vim tag nrho los yog ib feem ntawm ib tus tib neeg cov nyiaj tau los yog los ntawm tsoom.fwv ib qho kev pab twg. (Tsis yog tag nrho cov kev txwv yuav siv rau tag nrho cov kev pab). Cov neeg uas muaj mob xiam oob qhab tsis taus uas yuav tsum tau cov ntaub ntawv ua lwm hom (cov ntawv rau cov neeg tsis pom kev siv (Braille), sau ua tus ntawv loj kom nyeem tau, kaw lus mloog, thiab lwm yam) yuav tau hu rau USDA's TARGET Center ntawm (202) 720-2600 (suab thiab TDD).

Yog hais tias koj xav sau ib daim ntawv tsis txaus siab, sau rau USDA, Assistant Secretary for Civil Rights, Office of the Assistant Secretary for Civil Rights, 1400 Independence Avenue, S.W., Stop 9410, Washington, DC 20250-9410, los yog hu tus xov tooj hu dawb ntawm (866) 632-9992 (Lus Askiv) los yog (800) 877-8339 (TDD) los yog (866) 377-8642 (Lus Askiv Tsoom.fwv tus.xov tooj siv rau cov tsis hnov lus) los yog (800) 845-6136 (Lus Mev Tsoom Fwv tus xov tooj siv rau cov tsis hnov lus).

USDA yog ib qhov chaw pab thiab ib tug tswv haujlwm muab kev vaj huam sib luag